



Arubaanse Courant

ANJA 25

Oranjestad, 20 December 1963.

No. 4822

Apuntes E ditorial

Eilandsraad, Staten y Deporte

Un miembro di Eilandsraad, durante e ultimo reunion di e colegio aki, a haci un remarcu cu pa motibo cu tin un conflicto entre A.S.U. y A.V.B. no mester por ta cu A.V.B. ta worde exclui di hanja parti di e subsidio cu Gobierno ta pone na disposicion di A.S.U. pa promove deporte. Di e Diputado concieniente e contesta a worde duna cu tan pronto B.C. ta na altura di cu e subsidio no ta worde usa pa promocion di deporte pasonan serio lo worde tuma door di B.C. Ariba su mes e remarcu di e miembro di Eilandsraad en cuestion no tin nada malo, pero si e remarcu a pone nos sinta pensa un ratu. Y loke nos pensamiento a bal ariba dje ta lo siguiente. E miembro di Eilandsraad door di haci e remarcu ey a bai den un detaye di e deporte Arubano, pero e mes miembro aki di Eilandsraad ya pa hopi anja caba tambe ta miembro di Staten di Antillas Hulandes como uno di e ocho representantenan cu Aruba tin den e Colegio Legislativo di mas haltu di nos pais. Loke e miembro aki a yama un conflicto(?) entre A.S.U. y A.V.B. ta algo di fecha hopi recien y no tin mas cu 7 luna ta existi. PERO loke si ta UN VERDADERO CONFLICTO y loke YA TIN MU-
continuación riba pag.3

LAGO: "UNION A NENGA DELIBERACION RAZONABLE TOCANTE PAGO DI 91.2 %"

IOWUA: "PAKIKO LAGO DI RIPIENTE TIN GUSTO DI SACA TANTU PLACA?"

Oranjestad, 20 December.

E pago di e aumento di e salario, di un solo biaha, door di Lago manera cu e ultimo dos añanan a tuma lugar net promer cu Pascu, awor, ta e combersacion di dia den e "shopping centre" di Aruba, caminda mas o menos un millon menos di florin cu dos aña anterior lo circula. Entre e partidanan envolvi directamente cu e asunto aki, esta Lago y Independent Oil Workers Union of Aruba e contacto practicamente no ta existi mas. Lago ta ofrece un pago di aumento di salario den un solo biaha, mas haltu cu a worde pidi y union ta nenga esaki. Union ta considera e condicionan di e compania inacceptabel, y vice-versa.

Awor e situacion a yega na un fase, cu e dos partidanan no ta dirigi nan mes na otro, pero na e empleadonan. Kiko ta e historia di esaki? En corto ta lo siguiente, cu e union despues cu e directiva legal nobo a bin di acuerdo cu Lago pa cuminsa cu e deliberacionnan tocante di un C.C.T. nobo, pero promer cu esey a aserca Lago cu e peticion, pa e aña aki tambe, medio December paga e aumento di salario di un solo biaha, mescos cu e dos añanan anterior, ariba base di e C.C.T. cu tabata existi e tempo. E ultimo dos aña 67.2% di un luna di salario di cada empleado a worde paga, loke ta 5.6% pa cada luna, pero pagá di un solo biaha, pa asina no tin mal influencia ariba e salarionan y prijsnan na Aruba, Awor durante un encuentro cu directiva di Lago ariba dia 29 di November ultimo, union en relacion cu e costonan di bida cu a subi, a pidi 70%. Un contra-proposicion di directiva di Lago pa duna un pago di 91.2% di un salario di un luna, na lugar di e 70% cu a worde pidi (esta loke ya menciona 5.6% mas 2% pa luna, pa motibu di e costonan di bida cu a subi desde December 1961, ora cu e contract bleuw a worde firma), a worde refusa ariba dia 7 di December, pa motibu cu Lago a pone condicionan aserca cu union lo tin di extende e contract bleuw pa un aña. Poco despues union a bolbe cu su proposicion, cu segun e semanario "The Local" ta scirbi, tabata contene cu nan ta bai di acuerdo cu un C.C.T. nobo entretanto 3 di December 1963, basta cu Lago kier pone li condicion aserca di C.C.T. extendi, esta:

1. 40 ora di trabao pa siman sin baha sueldo.
2. un aumento general di salario di 15% di cual 5% ta pa contribucion na pensioenfondos.
3. e pensioen tin di worde haci dobel, mientras cu e edad di derecho ariba pensioen tin di worde baha for di 60 pa 55.
4. stop cu cross-drafting
5. aumento di e pago di lay-off cu 50%.
6. haci un programa di lay-off di tal manera cu esunan cu no ta miembro di union ta e promernan cu ta hanja nan retiro. Y durante e tempo di e C.C.T. nobo, no mas cu 20% di e miembronan di union por hanja lay-off. Pa e lay-offnan I.O.W.U.A. a pidi e siguiente prioridad; promer esnan cu no ta Hulandes, despues e Hulandesnan di Hulanda, y Surinam, despues e Antillananan di e otro islanan y como ultimo e Arubananan.
7. e incalculacion di e diferencialnan di shift den tur pagonan etc. na trabadornan di shift.
8. Pago di Fl.30-40.000 di danjo di perhuicio durante un periodo di cinco aña na cada di e descendiente di empleado cual a muri a consecuencia di un accidente di trabao. Alavez Fl.40,- tin di worde paga tur luna pa cada yiu di e empleadonan aki te na e edad di 18 aña.
9. Pagamento di Fl. 300.000 na e union pa yuda establece un propio compania di aseguro.
10. pagamento di 70% di un salario di un luna den un solo biaha na cada miembro di union na luna di December.
11. instalacion di un aircondition den e Centro di Recepcion di Lago y entrega di e edificio na union pa un suma symbolico di Fl.1.-

No. 2. L. L. L.

DIABIERNE

nos ta habri na Playa

di 8 pa 10'or di

ANOCHI

SPRITZER + FUHRMANN

Oranjestad

Lago: inacceptabel

Ariba dia 9 di December e directiva di Lago a laga sabi, cu e compania no por tene deliberacionnan tocante di e proposicionan aki como cu e aceptacion di e li puntanan aki lo haci e gastonan di Lago asina haltu, cu e posicion di competencia ariba mercado mundial lo worde poni na peliger grandi. Lago na e momento no a mira utilidad pa haci contra-proposicionan, como cu esakinan imposibel por aserca e deseonan di I.O.W.U.A. Pero e compania a declara cu en todo caso e 91.2% ta worde mantene ainda. E mes un dia cu e "no" di Lago tabata conoci, e directiva di union a dicidi pa cuminsa haci preparacion pa tene un referendum entre e miembronan en cuestion cu afiliacion internacional di e union. Manera ta conoci e union tin idea di afilia cerca dos bond. International: "International Federation of Petroleum & Chemical Workers"; (I.F.P.C.W.) y Confederacion Latino Americana di Sindicatos Cristianos (C.L.A.S.C.) E directiva di Lago anteriormente, hopi biaha a declara di no ta mucho di acuerdo cu e intencion di afiliacion internacional di I.O.W.U.A. No mucho despues e promer representantenan di e bondnan internacional a yega Aruba pa tene deliberacionan.

Pa motibu di e hecho, cu e union di Lago no a acepta e proposicion di 91.2 porciento y a parti un pamfleta entre e trabadornan di Lago tocante di esaki e directiva di Lago tambe a dicidi diarazon ultimo di parti un

pamflet. Den esaki lo siguiente a worde scirbi door di senor G.W. Switzer, como representante di directiva di Lago.

Nos sabi cu hopi di nos empleadonan tabata mira confidentemente na un pago pa un solo bez den luna di December. Directamente tambe tabata prepará pa duna e pago aki. Sinembargo Directiva di IOWUA continua mente a nenga di discuti e pago pa un solo bez aki of pa aceptar le ariba un base razonable. Nos no ta kere cu Directiva di IOWUA a tene boso na altura di tur e hechos tocante e situacion.

FATUM - Tel: 1845
pa tur bo aseguronan

Compania a ofrece pa haci un pago pa un solo bez di 91.2% di salario di un luna pa e periodo di un aña of un parti proporcional di 91.2% si e periodo ta menos cu un aña. E oferta a di pa duna un pago pa un solo bez tabata inclui tur cambio den costo di bida pa henter aña 1963, ademas e equivalente di 3% di aumento general pa e periodo durante cual ningun Combenio Colectivo di Trabao lo dreña na vigor. E union a rechaza e proposicionan aki y enves di esakinan e Directiva di Union a haci e demanda pa un pago di 70% den un solo bez pa loke nan ta titulá como "back pay". Ademas directiva di Union tabata kier pa Compania lo combini pa duna e pago aki sin haci un

continuación na pag. 2



SABOR CU NUNCA
TA VARIA

IT NEVER VARIES

LAGO.....

continuación di pag. 1

Combenio Colectivo nobo of sin bin na acuerdo pa e Combenio Colectivo actual keda sin worde reemplaza pa un periodo especifica.

Awor Directiva di IOWUA ta pretende den un anuncio gedruk cu Directiva di Lago ta trata di pone un ; "triki" pa nan pa continua e Combenio Colectivo actual pa un cierto periodo y cu e culpa ta di Compania y no di Directiva di IOWUA y e pago no a worde hací.

ESAKI ABSOLUTAMENTE NO TA BERDAD

Ariba December 7 Directiva di IOWUA a declara durante un reunion cu Directiva di Lago cu e Union tabata dispuesto pa cera un Combenio Colectivo di Trabao pa e periodo di un año. Pero pronto a bira evidente cu Directiva di Union no tabata tin ningun intencion pa yega na un arreglo razonable promer cu Pascu riba ningun base cu Compania lo por acepta segun tur razon. Nan demandas pa cera un Combenio Colectivo pa periodo di un año tabata contene proposicionnan cu lo aumenta e costo di operacion di Compania asina tanto, cu nos lo no por ocupa un posicion competitivo mas y al fin lo no ta posibel mas pa keda den negoshi.

Leuw di crea mas seguridad di trabao, loke Directiva di IOWUA a propone pa por cera un Combenio Colectivo di un año lo pone seguridad di trabao pa tur emplea do na peliger.

Y esakinan ta e hechos. E oferta di Compania pa duna un pago pa un solo bez di 91.2% ainda abrí. Un pago pa un solo bez mas chikito, pero toch considerable, tambe por worde duná si acuerdo por worde yegá pa e Combenio Colectivo actual no worde reemplaza door di un otro pa un periodo specifico di menos cu un año.

Compania ta di opinion cu e oferta cu el a haci na Directiva di IOWUA ta generoso. Nos sabi - y nos ta di opinion cu nan tambe sabi - cu e salarionan y con-

dicionnan di trabao di empleadonan di Lago bao e actual Combenio Colectivo ta di mehor den Antillas Holandes. Recordnan ta muntra cu Directiva di IOWUA ta siguiendo un linja di conducta cu ta nenga boso un pago pa un solo bez pa December, mientras Compania ta perfectamente dispuesto pa duna e pago aki, con tal cu e partidanan yega na un acuerdo den e asunto aki ariba un base razonable".

E presidente di I.O.W.U.A. señor Frans Lodewijk Maduro, segun el a declara na nos, no por a laga di haña e impresion, cu Lago tin un gusto masha grandi di extende e contract bleuw pa un año mas y ta usa e 91.2% como "aas" pa logra e extencion aki.

Ta di promer biaha den historia di union cu un dunador di trabao ta ofrece su empleadonan placa y alavez ta keda suplica pa tuma esaki, despues cu e obreronan a nenga di tuma. Segun palabranan di señor Maduro "Nos no kier e pago aki ariba e condicion di extencion di e contract bleuw pa un año mas, pasobra e ora otro año nos tin e mes un problema atrobe".

Segun señor Maduro a splica, mayoría di e miembronan di e union no kier acepta e "aas" di Lago.

Continuamente segun el a bisa e oficina di I.O.W.U.A. ta worde yama na telefon door di miembronan cu ta haci e suplica pa e directiva no acepta e proposicion di Lago. "E biaha aki e directiva di union sabi mehor: nos ta bisa" tene bo placa numa. "Loke nos falta awor, nos ta hanja despues back via un aumento general di salario, cu mihor reglamento pa e fondo di spaar y di pensioen.

E directiva di union a declara di no kier extende e contract actual bao di ningun forma, como cu esaki ta duna e compania e oportunidad pa un año largo, kita tanto empleado cu e kier. "Y nos ta aki pa bai contra di esey". Segun ela informa nos, Lago tin e intencion pa na año 1964 duna 8% di e empleadonan cu tin awor na e compania nan lay-off.

CADA PASA DIA NOS TA RICIBI embarque

nobo di

BISTIR

modelonan

precioso

net pa

Pasco y

anja Nobo.

tambe nos tir.

ZAPATO ITALIANO

den varios modelo.

Pasa awe mes na

PALAIS ORIENTAL

O'Stad (Pabao) - San Nic.



AWE NOCHI NOS

TA HABRI

DI 8-10 P.M!



SAPATU PA

HENTER FAMIA

NA

BATA



ainda tin
algun dia pa
bo laga nos
drecha bo
cabel.

Corda ariba nos oferta especial pa e temporada di fiesta. Pa servicio sin igual.

SELMA'S BEAUTY SALON

Nassaustr. 109 - tel. 2750-2434

FIRMA AMERICANO

NA BALASHI

Ta ofrece dos Dodge 1962 practicamente nobo usa solamente un anja, y un Ford station wagon 1960, Contact Maduro tel. 2933 of personalmente na planta di awa Balashi.

NOBO NOBO NOBO NASSAUSTR. No. 34

Nos tin bunita tela, p.e. Brocaat for di Italia, den colornan fantastico y cu no ta machika. Tambe Seda Shanton nobo, den diferente color. Tambe Satin-Cottons, moda nobo pa anja 1964. Tur na prijs conveniente. Pa un bon regalo di Pasco, regala tela cumpra serca nos.



tambe gran surtido di regalos precioso na prijsnan masha atractivo.

ACME STORE

tel. 5381-5384

ORNAMENT Y LUZNAN DI PASCU PA DECORACION DI KERSTBOOM.

a caba di jega un cosmetico nobo

PINO SILVESTRE

jabon - puero - talco

colofia - bathoil -

desodorante

pasa laga nos duna bo un demostracion na

La Linda



KAN INC.



JOYEROS DESDE 1918

Haciendo compras anochi
agradablemente huntu na

KAN N.V.

den Nassaustraat

DIABIERNE 20 DECEMBER

di 8'or pa 10'or P.M.

They're Here !

1964 ANDREA Television Sets

The Finest Your Money Can Buy
Pay us a visit and see our Fine Supply of

Household Appliances

incl. ERRES Floor polishers, Vacuum
cleaners, Hot plates, Toasters, Mixmasters,
etc.

Extra Large PRESSURE COOKERS

Also see our fine sets of Drinking Glasses

DROP IN TODAY AT

MARCONIPHONE RADIO SALES AND SERVICE

SAN NICOLAS

HENTER FAMIA

por haci nan compras huntu

AWE NOCHI

di 8'or pa 10'or

na

NEME IMPORT EXPORT CO.

Nos tin un coleccion precioso di muebles
na prijsnan masha abao,
y condicion di pago masha atractivo.

a caba di jega un embarque
grandi di

Mosaicos di Plastic-Asbest

COLOVINYL

den varios color, pa solamente Fl. 4.25 pa meter cuadrá.

Bo mes por pone nan
* Buki di instruccion gratis.

MESKER

PANAMA

STORE

Adolf Groder - San Nicolaas
e adres na unda bo ta cumpra
pa henter familia y ainda resta
placa.....

Especialmente pa PASCU nos a
ricibi un lote grandi di mercancía
nobo. Tambe nos ta bon surti
den muebles pa drecha bo cas
pa dianan di fiesta. Palabra ta paco,
bini un ratu y welta pa bo mes!

TA BENDE

2 matras usá
3 cama di des persona completo
Washmachine automatico
2 fan electrico y varios articulos
mas pa cas.

Pa inf: Jama tel. 1869

GIVE A PET

FOR CHRISTMAS




tur sorto di pajra, tambe cur
minda pa pisca, y pajra, jaur
la etc.
ANGELICA'S VOGELHUIS
(dilatanti radio-kelkboom)



Opuntes editorial

continuación di pag. 1

HO MAS CU SHETE ANJA MES
CABA TA EXISTI TA E CON-
FLICTO ENTRE ARUBA Y COR-
SOW EN CONECCION CU E OR-
GANISACION NACIONAL DI E
DIFERENTE RAMONAN DI DE-
PORTE DEN NOS PAIS. Esaki
a un problema nacional y ta
parce nos deber di miembronan
di Staten pa trece e problema
aki adilanti den e cuerpo legis-
lativo nacional cu ta Staten di
Antillas Hulandes.



The „so good,, flavor
that only LIBBY'S can
give you. Tasty as they
are pretty, because
they're the firm tender,
sweet-as-honey
LIBBY'S fruits.

N.V. WINKEL'S
HANDEL MIJ.

Den tur e anjanan cu e conflicto
Aruba-Corsow ta existi y cu ta
worde publica continuamente, ta
unicamente un biaha un miembro
di Staten a lamta voz y a pidi
atencion di Ministro pa e con-
flicto. Tabata e miembro di Sta-
ten D.C. Matthew, kende apenas
tin un anja di ta miembro.
E conflicto a yega na su punto
critico door di un accion fuerte
di parti di e bondnan deportivo
di Aruba cualnan ta busca nan
derecho. Door di trece e tan cono-
cido Resolucion di A.S.U. na vi-
gor e conflicto a hanja atencion
di Ministro den dos ocasion, pero
di parti di e ocho miembronan
di Aruba den Staten mes e aten-
cion tabata semper practicamen-
te cero.

No mester lubida cu den hopi
ocasion Gobierno Central ta duna
subsidio pa cose ta gastonan en
conecion cu un of otro viaha
pa exterior di un of otro dele-
gacion deportivo. Y e delega-
cion an aki, door di e estructura
actual di e deporte di Antillas

Hulandes, ta worde forma uni-
camente door di atletanan proce-
dente for di e isla di Corsow.
E bondnan Arubano no tin di bisa
tocante e formacion di semehante
delegacionnan y consecuentemente
e atletanan arubano no ta
hanja e oportunidad cu nan mere-
ce.

E conflicto Aruba-Corsowa wor-
de crea door di cu e bondnan di
Aruba ta busca nan derechonan.
E ta un conflicto pues cu tin
interes general di deporte di
Aruba (y tambe di Antillas Hu-
landes) na vista.

Ta pa e motibo aki nos ta hanja
cu ta un verdadero lastima come
representantenan di Aruba no ta
actua den Staten lamtando voz
pa defende e derechonan Arubano.
Directiva di A.S.U. y di e di-
ferente bondnan Arubano ya pa
hopi anja caba ta haci hopi es-
fuerzo pa logra un reorganisa-
cion de cual Aruba ta worde de-
bidamente reconoci. Publicidad
semper a worde duna na e proble-
ma cu e speranza cu e au-
toridadnan lo dedica atencion na
e problema. Ta na 1961 pa di
promer biaha un Ministro a
dedica atencion na e problema,
pero su esfuerzonan no a logra
e reorganizacion desea. E Mi-
nistro actual tambe a haci es-
fuerzo nombrando dos mediador
deportivo kendenan entretanto a
tende den un reunion general
di miembronan di A.S.U. un mo-
cion di desconfianza lanza con-
tra di nan.

Manera ya nos a menciona ta
na 1961 pa promer biaha aten-
cion di autoridad a cai riba
e problema, pero di hopi anja
promer cu esey caba e problema
ta existi. Apesar di esey y apesar
di ta un problema cu ta envolbe
interes GENERAL di deporte di
Aruba, e problema no por a goza
di atencion di miembronan di
Staten.
Nos ta kere cu deber di re-
presentantenan di pueblo ta den
promer lugar defende interesnan
general.....

UN YUDA OTRO ta colecta pa Pascu

Oranjestad, 20 December.
Manera ta tuma lugar diferente
anjanan caba, e biaha aki tambe
e organizacion caricativo "Un
Yuda Otro" a laga dorna e mata
grandi pabao di Manhattan Store,
na e antes parkeerplaats di auto-
nan di huur. Segun informacion
e mata aki a worde dorna cu
yudanza di gobierno. Bao di e
mata caminda tur anochi te dia
di Tres Rey lo tin damanan di
"Un Yuda Otro" sinta, kendenan
lo ricibi e pakinan cu nan ta
spera di hanja pa e hende po-
bernan di nos isla, lo tin canta-
mento y hungamento di comedia
di Pascu door di diferente gru-
ponan di nos isla. Segun informa-
cion e.o. e hobenan di "De Tru-
pialen" lo canta canticanan di
Pascu, mientras cu e damanan
di Club Boneriano lo hunga un
comedia di Pascu.

Curso especial na I.A.U.

Puerto Rico, 20 December
Segun Inter American Review,
un publicacion di Studentenan na
Inter American University (I.A.
U.), cuminsando dia 6 di July
1964 te dia 23 di Agosto di e
mes un aña, lesnan lo worde
duna tocante di e posicion di
Estados Unidos den Caribe.
E lesnan aki cu ta pa graduado
y no graduadonan ta pa duna
mihor comprendemento di e cam-
bionan economico-social y politi-
co cu ta tumando lugar den Ca-
ribe y pa analiza e problemanan
particular cu ta enfrenta e for-
muladornan di e politica di Es-
tados Unidos den Caribe. E cur-
so aki ta l. cinco siman na uni-
versidad consistiendo di dos les
cada mainta y discusionnan atar-
di dos biaha pa siman, 2. un
tour di estudio di dos siman,
cu lectura y discucionan, cu per-
sonanan cu for di seis lugarnan di
Caribe, Martinique, Barbados,
Trinidad, Venezuela, Curacao y
Aruba.

E promer curso ta costa \$ 550,-
Interesadonan por dirigi nan mes
serca Professor Raga Ellm, Di-
rector di e Instituto.

Programa di Pascu di Iglesia Evangelica

Oranjestad, 20 December.
Iglesia Evangélica di Huygen-
straat 17, Mont Plazier, lo
presenta su programa di Pascu
Diamingo, 22 di December, na
7'or di anochi.

E muchanan di Zondag School
lo hunga un papel den e pro-
grama, como custumbra, cu un
presentacion di "Regalanan Di
Consagracion". Tambe lo tin
un cos nobo y diferente cu 15
muchu tocando y cantando "E
Streya di Dios".

E hobentud di Iglesia lo pre-
senta e comedia titulá "Na
Cas Pa Pascu". Esaki ta his-
toria di un señorita di 20 aña di
edad qu a sali for di cas. Des-
pues di un aña, net na Bispu
di Pascu, el a bolbe cas. E co-
media aqui ta e parti princi-
pal di programa qu lo dura pa un
ora.

Canticanan di Pascu lo ta tocá
y cantá bao di erente forma. Co-
mo den añanan pasá, esnan pre-
sente lo tin oportunidad di canta
tambe.

Kalender nobo di Lago

Oranjestad, 20 December
E di 16 kalender di Lago a worde
publica. E kalender aki atrobe
ta contene potretnan di color di
Aruba, pero e biaha aki tur
a worde saka pa sr. B. E. Ellis
Jr. empleado di Lago Public
Relations Department.

Ladron di 13 anja

San Nicolas, 20 December.
Recherche di San Nicolas a detene
ultimamente un mucha homber di
13 aña di edad, kende ta worde
sospecha di a horta un suma
grandi di placa den un grocery
na San Nicolas. Aki ta trata di
e robo cual a worde comete
ariba dia 18 den e grocery, cam-
inda un suma grandi di placa
consistiendo di dollar y florin
Antillano a worde horta. E mu-
cha homber a worde encarcela,
mientras e caso a worde pasa
pa K.Z.P. pa investigacion.

SYLVANIA

Ta Di Miho



23L87W

E imagen, mas skerpi ta loke SYLVANIA ta c-
frecebo ariba su pantaja di 23 duim. Ademas
di un cabinet precioso e televisor SYLVANIA
tin hopi Ventaha manera un chasis potente de-
luxe, cu su tubo di imagen bon protega pa du-
nabo un gozo pa hopi aña.

Su prijs - B A R A T A
Hasi un comparacion

Bin mira nan na:
N.V. WINKEL'S HANDEL MAATSCHAPPIJ

Oranjestad

San Nicolas

KLAAS LOONSTRA

y personal
ta desea bo

UN FELIZ PASCU

y

UN PROSPERO ANJA NOBO



Nos tallernan y oficina lo ta cerra for di dia 23 di
december p.v. te cu dia 2 di januari 1964!!!

Accidente serio di trafico na Wayaca

Oranjestad, 20 December.

Ayera mainta 5'or y mei un chauffeur di un auto
di famia a presenta na warda di polis na Oranje-
stad, caminda el a declara cu el a dal un persona
kende tabata camna na haltura di e brug na fin
di Fergusonstraat na entrada di Wayaca.

Patrouilla di polis cu a worde manda na e lugar
pa investigacion no a encontre ningun hende den
e becindario. Un rato despues un otro chauffeur
di un auto a presenta na warda di polis y a decla-
ra cu el a mira un persona benta ariba caminda
banda di e boerderij di prueba na Wayaca.

Polis cu a sali pa e lugar ta hanja e persona men-
ciona, kende su situacion tabata masha critico
y mester a worde transporta inmediatamente
pa San Pedro Hospital. Probablemente e persona
aki, kende ta un tal F.C. di 32 aña di edad despues
di a worde gedal promer biaha a sigui camna
pa despues bolbe worde gedal banda di boerderij
di prueba na Wayaca pa un otro auto. E situa-
cion di F.C. ta sumamente grave.

AGENDA

ARUBAANSE COURANT

diariamente cu excepcion di
diadomingo

subscripcion f. 3.25 pa luna
edicion los 20 ct.

edita pa:

N.V. Arubaanse Druk-
kerij - en Uitgevers -
en Publiciteits Mij.

imprimi na:

N.V. Drukkerij
„de Stad,,

Telefoon 1116 Directiva
y redaccion, 2116 Anun-
cio y subscripcion.

Directeur hoofdredacteur:
D. Wolff.

TELE-ARUBA

Diabierne 20 December.

05.30 Cartoons
06.00 Israel Presents
06.30 Robin Hood
06.45 Papiamento Newscast
Live & Filmnews
07.00 Gunsmoke
07.30 Sports News
07.45 Frankie Laine
08.15 Dangerous Robin
08.45 English Newscast Live
& Filmnews
09.00 Perry Mason
10.00 Sign off.

Personanan di bon gusto ta pre-
fera entre e mehoran

E MEHOR!



REY DE COPAS
ARUBA DISTILLING
COMPANY
Wilhelminastr. 47 - Tel. 1266

RADIO CARACAS

TELEVISION

8.45 Senderos de luz
9.00 Cajas con sorpresas
9.30 Jardín de infancia
10.00 Documentales
10.30 Cosas de mujeres
11.15 Quien es quien en T.V.
11.45 Novela
12.00 Show de Saume
13.00 Noticias
13.05 Cont. Show de Saume
13.15 Se necesita una amiga
13.35 Novela
13.50 Yo se lo vendo
14.20 Punto y aparte
14.45 Estudio Hector Monte-
verde
15.15 Perfecta ama de casa
15.45 Aventuras ropeye y re-
yo

16.15 Mejías y sus muchachos
16.45 Busque su marca
17.15 Comedy Capers
17.45 Noticias
17.50 Papa lo sabe todo
18.30 Extraño mundo del Pan-
tano
19.00 Revolver a la orden
19.30 Nuestra Peggy
20.00 El observador
20.15 Novela
20.30 Craneoteca de los Ge-
nios
21.00 Pánico
21.30 Las enfermeras
22.30 Noticias
22.35 Cine para todos

BOTICANAN DI WARDÁ

Oranjestad Botica Oduber Tel.
1780. San Nicolas, Botica San
Lucas Tel: 5119

DOKTERNAN DI WARDÁ

Oranjestad Noord. Dr. J.R. Leo
San Nicolas-Sta Cruz-Sav. Dr.
J.G.H. Janssen

WIT-GELE KRUIS

Oranjestad: Zr. Ewald
San Nicolas: Zr. Perpetua
Santa Cruz: Zr. Ludovic

CINE

De Veer: 8.30 p.m. "Der Stern
Von Santa Clara" all
Rialto: 8.00 p.m. "Homidical"
18 j
Principal: 8.00 p.m. "White
Christmas" all
Aurora: 8.00 p.m. "Bullwhip all
Savaneta: 8.00 p.m. "The Pi-
rates of Blood River" 18 j

Edicion di Pascu di "Esso News"

Seroe Colorado, 20 Dec.
Diarazon ultimo e edicion di Pas-
cu di Aruba Esso News a worde
publica. E edicion aki tin dos pa-
gina na color. Masha bunita ta
e promer pagina cu un potret
di colo di e compania cu un
mata di navidad tur na luz.

NAN A BIAHA

NAN A HAYA



Si Bo cumpra

ic e muestra

E camina pa Dios
y con pa haya

Pa D.L. Moody

na:

LIBRERIA VICTORIA

Nassastraat 78a - Tel. 2683

CHRISTIAN LITERATURE

CENTER

Lagoweg 2.

Publica pa

EDITORIAL EVANGELICA

Pos Chiquito, tel. 7023

(RADIO VICTORIA-Station bleu)

Cumpleanjos

Dia 19 di Dec. a cumpli 7 aña
e hobencita Linda Marcela So-
lognier, felicitacion ta bini di
su mama Catalina, tata Marce-
lino, 11 rumanan, madrina Mar-
cela Croes, padrino Mario Croes,
tanta y omonan, prima y primo-
nan, wela y welonan, su estima-
da amiga Elvira Maduro y demas
familia Croes, Lopez, Solognier
y Weber.

Dia 19 di Dec. a cumpli 19 aña
e gentil caballero Antonio WER-
net, felicitacion ta bini di su
tata Francisco, mama Maria,
rumanan Serapio, Paulina, Ro-
manus, Dionisia, Maximon, Cris-
mo, Casilda, cunjanan y Yolan-
da, swa Juan Kelly, subrinonan
Tico, Mai, Marcelino y Seferi-
no, subrina Maria, pepe Seferi-
na Thiel, omonan Francisco
i Luis Kock, di su amigonan
di Arubaanse Courant y muy es-
pecial di Dufi Croes y demas
familia Wernet, Kelly, Maduro y
Tromp.

Dia 20 di Dec. ta cumpli 4 aña
e hobencita Maria Altagracia La-
noy, felicitacion ta bini di su
mama Linda, tata Eduardo, ru-
manan Ronny, Isabel, wela Theo-
linda Schwengle, welo Alberto
Lanoy, tanta Betty, Maria i Ne-
ta, omo Antonio Schwengle, pri-

manan y primonan, Marylin
Schwengle, Ronny, Jorge, Eddy
i di Olga Schwengle y demas
familia Schwengle, Lanoy y tur
famiñan na Venezuela.

A cumpli 4 aña e hobencita Al-
lijn Rasmijn, felicitacion ta bini

di su mama Maria, tata Genaro,
11 rumanan, wela Petra Arends,
madrina Maria Heandro Kool-
man, di Marylin, Ronny Jorge
Eddy Schwengle, Meda y Thelma
Rasmijn y demas familia Rasmijn,
Schwengle y Arends.

FALTA CINCO DIA MAS

Si bo ta busca un paar di zapato bunita
y alavez comodo pa Pascu, bishita awe mes
Zapateria HARTOG.

No solamente bo por escohe for di
nos surtido grandi, pero tambe weita
e calidad excelente di zapatonan cu nos
tin, y nos prijsnan cu ta masha ra-
zonable. Tambe na Zapateria Hartog
bo ta haya un servicio rapido!

Nunca ainda nos tabatin un surtido asina
grandi pa bo escohe, nunca bo por a haya
asina un exito serca nos. Pesey no warda
te ultimo dia, bishita awe mes ZAPATERIA
HARTOG, y abo tambe lo bisa

Tur Zapatu tin su pia, peropatur pia ta

HARTOG

tin e zapatu di mas mehor.

¡Alegria Navideña a manos llenas...!

¿Qué mejor manera de decir con alegría "¡Felices Pascuas!" que con una de estas preciosas plumas PAPER MATE! Obsérvelas: La excelente Capri Modelo III—ahora en juego de pluma y lapicero—es un gran regalo... ¡y qué diferente!... La elegante Capri de Oro es ideal para aquellas personas que usted distingue de manera especial... La festiva Holiday tiene la cualidad de gustarle a todo el mundo... Y la encantadora Lady Capri, es una joya que rinde homenaje a la femineidad... ¡Todas tienen la precisión y calidad características de PAPER MATE!

PAPER MATE

Voor alles wat schoon moet is er LUX VLOEIBAAR

Moderne Lux Vloeibaar, Uw beste en Uw prettigste hulp. Lux Vloeibaar is krachtig, en zo zuinig: U hebt maar een paar druppels nodig voor een schuimend sop. En Lux doet zoveel voor U. Uw afwas wordt sprankelend schoon, in een wip. De fijne was - nylon, wol en zijde - 't komt alles fris - geurend uit het veilige, milde Lux-sop. En Lux maakt ook verwerk, tegels, ramen en vloeren stralend schoon. Handig! Dat is Lux Vloeibaar.



Snel

Vet en vuil verdwijnen vliegensvlug



Zuinig

Met 2x knijpen maakt U een schuimend sop vol waskracht - 1 fles LUX is ruim voldoende voor 100x afwassen.



Zacht

LUX VLOEIBAAR geeft U een sop vol zachtheid. Daarin zijn Uw handen veilig.



Handig

LUX VLOEIBAAR in de plastic fles staat klaar voor al Uw schoonmaakwerkjes.



HAAL VANDAAG NOG ZO'N FLES LUX VLOEIBAAR



It never varies



Sabor cu nunca
ta varia

Dos millon florin pa empleadonan di Lago

San Nicolas, 20 December

E entradanan di e spaarfonds di Lago, di cual tur empleado la miembro y den cual 94% di e empleadonan ta spaar pa suma maximo, ta forma un total (den e periodo di 1 di Oktober 1962 pa 30 di September 1963) di Fl. 1.173.794.-- Como cu e suma cu Lago a pone aserca e aña aki ta Fl. 1.387.251.-- e 3.178 spaardonan a hanja e luna aki na disposicion total Fl. 2.560.545.-- E suma total cu a worde gasea e aña cu a pasa ta Fl. 2.513.327.-- E entradanan di e inversionan di e spaarfonds tabata e aña cu a pasa 3.9%. Ocho aña pasa e tabata ainda 2.17% Señor J.J.P. Oduber ultimamente a worde nombra como tesorero di e directiva di e spaarfonds di LAGO.

Desgracia di trafico na Oranjestad

Oranjestad, 20 December. Antayera merdia algun minuut despues di 12'or a tumalugar den Dominicanesstraat banda di Santa ROSA School un accidente di trafico entre un motocicletu y un auto. E motocicletu A-151 maneha pa e hoben di 17 anja E. de C. a dal patras ariba e auto A-872 maneha pa A.A.W. Danjo material tabata casi nada, pero e hoben mester a wordetransporta pa hospital caminda el a worde tuma pa observacion. OTRO CHOKENAN Otro chokenan ariba carteranan di Aruba cu a tuma lugar ayera promer cu 12'or di merdia tabata: Auto A-6754 a dal patras ariba auto A-7115 causando un total di danjo material di 250 florin. E autonan tabata worde maneha respectivamente pa J.C.S. y R. R.R. E choke a tuma lugar banda di e Supermercado di N. Habibe Jr.

Pa mas o menos 10'or y mei di mainta dos auto a dal ariba otro poco pa zuid di Wilhelmina Stadion na Dakota. A-2290 maneha pa F.L. y A-2334 maneha pa A.J.M. tabata envolvi den e choke aki cual a resulta na un total di danjo material di 1.000 florin. Motibo di e choke ta cu un di e autonan no a duna preferencia. Mescos tambe e choke cu a tuma lugar pa mas o menos un cuarto pa il na e cruzada di Adriaan Lacle Boulevard y Nieuwstraat, caminda A-5156 y A-7885 maneha respectivamente pa H.L. y J.B. a dal ariba otro, causando 300 florin di danjo material.

Show di Pascu den Club Bonaireano

San Nicolas, 19 December. Diabierne dia 20 venidero, esta awe, Club Bonaireano na San Nicolas ta organisa un show di Pas-

co. E show aki ta consisti di canto musica y comedia. E anochi ta worde inaugura pa maestro di ceremonia John Hart, kende lo introduci pastoor van Baars di porakia di San Nicolas cu lo duna un mensahe di Pasco. Despues lo tin actuacion di diferente gruponan musical: manera, Los Trupialitos, Los Caminantes, Trio Guazecta y Los Mix.

Ta sigui un intermedio despues di cual lo tin actuacion di Trio Quisqueya, Don Bosco Band y Gomez Koor. Algo especial lo ta e comedia "Aurora di Salvacion", cual ta basa ariba e nacemento di Jesus. Miembronan y Bonaireanonan ta keda invita pa asisti na e programa aki cual ta completamente gratis.

C.J.C. a presenta programa di Pascu

Savaneta, 20 December. Diarazon anochi Centro Juvenil Commandeursbaai (C.J.C.), un grupo di hobennan di Savaneta a presenta un programa di Pas-

co, especialmente pa pueblo di Savaneta y becindario. Durante di e programa di Pasco aki, na cual a tuma parti como 40 persona, tabatin cantamento y hungamento di comedia. E podium y e eliminacion cual a worde instala dilanti di Misa na Savaneta pa e ocasion aki, ta trabao di C.J.C. mes. Tambe tabatin actuacion di e grupo, bao di guia di srta. Rina Camacho, esta "Los Navideños", kendenan a brinda e presentenan algun canticanan di Pasco. Endudablemente e iniciativa y locual e hobenan aki a presenta diarazon anochi merece un palabra di elogio.

DICK TRACY

pa cortesia di:

Antillian Hardware Co.

E mihor adres pa VERF, KWASHI, TUR HERMENT, ARTICULOS SANITARIO.

HOROSCOPO PERSONAL

Pa dia 21 December 1963.

ARIES 21 maart - 20 april.
Bo ta sinja hopi door di studia e tactico di bo rivalnan. Trata pa reforza relacionnan, door di intermedacion bo por pone contactonan.

TAURUS 21 april - 21 mei.
Bo aspectonan riba tereno di trabao ta bon. Por tin desarollonan nobo den bo becindario, no forma bo opinion muchu liher den asuntonan privá.

GEMINI 22 mei - 21 juni.
Aspectonan di awe ta sumamente favorable pa cuminsa cu asunto nan importante. Bo tin hopi apoyo hasi bon uso di dje.

CANCER -22 juni - 23 july
Awe ta un dia pa termina asuntonan cu bo ta traha riba den ultimo tampu. Bai cu ciudad den trafico.

LEO 24 juli - 23 augustus
Aspectonan di awe ta indica den direccion di un dia hopi ocupa. Bo opinion ta bon, bo por tuma decisionnan y regla asuntonan importante.

VIRGO 24 augustus - 23 september.
Bo aspectonan riba tereno financiero ta bon awe. Hasi uso di esey tambe ora di hasi compras.

LIBRA 24 september - 23 oktober.
Aspectonan favorable ta priminti exito awe den amor, matrimonio y relacionnan amistoso. Anochi ta bon pa diberticion.

SCORPIO 24 oktober - 22 november.
Awe ta sumamente adecuado pa deshaci di dificultadnan y desunionnan cu otro. Hasi loke bo por pasombra bo lo tin exito.

SAGITTARIUS 23 november - 21 december
Aspectonan favorable por soluciona un asunto hopi importante pa bo. Percura pa nan por hanja bo awe.

CAPRICORNIUS 22 december - 20 januari.
Awe ta un dia sumamente adecuado pa hanja ayudo di hendenan importante cu tin hopi influencia. Den amor bo tin apoyo di planetanan.

AQUARIUS 21 januari - 19 februari.
Por tin un noticia favorable of un desarollo cu ta priminti algu pa futuro. Stimula contactonan cu personanan alehá.

PISCES 20 februari - 20 maart.
Awor bo mester por bai dilanti den loke bo ta hasiendo, bo tin hopi apoyo di planetanan riba tur terreno.

-Ay no ta un perdida, e ta defen-
de su mes contra su palabranan di dobel sentido....
-Pakiko bo no tin e curashi pa confesa cu bo ta stima e muhe aki? Of bo kier bisa mi cu ta solamente pa compasion bo a hasi esey? El a kere esey?

- N o Brigitta. Mi A confesa abiertamente cu mi tabata stimé.. Automaticamente Brigitta a hala poco na banda.
-Eugenio bo no ta hanja cu bo frankesa ta bai poco.... leuw di mas?
-Mi no kier ganja mas, Brigitta. Mi a stima Jacinta prome cu Frank a casa cuné. Y e amor aki nunca lo no desapare mientras cu mi ta na bida. Pero ta un amor morto, Brigitta, un amor en vano. Mi lo no preocupa mi mes mas cu esey tampoco. Promé tabata mi ruman, awor ta e Mericano..... Nos a kita manera amigu for di otro.

**RIP KIRBY**

pa cortesia di:

JAN BODEGOM & CO. (ARUBA) N.V.

Agente exclusivo di FRIESCHE VLAG lechi evaporado y lechi en polvo MA WELL HOUSE KOFFIE.

**CISCO KID**

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba



pa cortesia di:

REFRESQUERIA INGRID

Tel. 2123

E mihor adres pa snacks, tur clase di dushi, softdrinks, ice-cream y revistas.



NOVELA

DESEO PA BO AMOR

-Esey tabata un homber cu bon tipo cu tabata awe tardi aki, senora. E parece un stranhero... -Si e ta Mericano. Bo tabata gusté?

Si e ta un homber masha bon tipo mes, Alma ta afirma un biaha mas.

-E lo bini mas aki Alma.

Alma ta sigui borda su kleechi.

Bo ta bai tene e cas grandi aki, senjora? e ta puntra di ripiente.

-Naturalmente, Alma. Un dia mi

lo casa atrobe.

-Naturalmente, senjora. Pero casa cu un cu ta keda cas. No ta dushi pa semper baikeda warda....

Eugenio Krusio ta hala rosea atrobe ora e ta para riba caja. Awor e no tabatin mester di simula un maleza mas, tur cos cu tabata muestra asina un problema a worde soluciona. Abai basta bon ainda, e ta pensa. Solamente un dolor chikito banda

di su curazon a keda. E despedida di Jacinta tabata mas difícil cu e mes por a imagina. Awor un streepi definitivo a worde hala bao di un periodo largu di su bida. E nomber Jacinta tabata hopi relaciona cu e nomber Krusio y awor e lo desapare for di su bida manera un cometa, pa semper..... Pero bida tin diferente episodio. Un ta sigui otro, y awor Brigitta Storm ta warda riba dje. Brigitta a sera un compromiso pa e homber cu e ta stima. Eugenio no por sconde su sentimiento tristu muchu bon ora e

ta jega serca Brigitta atrobe. -Wel, mi amor, e ta puntra interesá, e asunto a termina bon? E ta sinta riba man di su stoel. -Tabata un caminda difícil, Brigitta, e ta confesa serio. Mi no mester a hasi'e..... -Y Jacinta Krusio? Kiko el a bisa? -E tabata sa caba, pasombra el a mira e acto di fallecimiento den mi maleta. E ta un muhe fantastico. -Ta bon cu ta awor numa bota constata esey, despues cu bo a perdé pa semper. Ta un perdida pisá mi amigu.....

REY DE COPAS

E number pa November tabata

"MISS ALEGRIA"

pasobra REY DE COPAS ta duna alegria!

E fortunada ganadora di e

Fls. 1000.-

ta: SR TA. VERA RUIZ di Paradera No. 87



NOTA:
Directiva di Aruba Distilling Co. ta e unico entidad responsabel pa scogemento di e nombenan pa Miss Rey de Copas. E number aki lo no ser scoge pa suerte y si e number aki ta igual na cualkier number cu surgi pa algun acontecimiento esaki ta debido na pura casualidad.

PA DECEMBER MI TIN TRES NOMBER



Prome number

Fls. 1000.-

Segundo number

Fls. 1000.-

Tercer number

Fls. 1000.-

TOTAL

Fls. 3000.-



RON REY DE COPAS

TA REGALA PA LUNA DI DECEMBER 1963

Fls. 3000,00

PA E TRES NOMBERNAN SELECTA PA

MISS REY DE COPAS

Miss Rey de Copas ta hanja tres (3) number pa luna di december 1963. Miss Rey de Copas ta e popchi cu ta den show window di Aruba Distilling Co. Wilhelminastraat 47. E personanan cu duna e tres nombenan correcto ta hanja cada uno f 1000,-- di regalo. Esta pa cada number tin f 1000,-- di regalo. Si tin mas cu un persona cu e number esochi, anto e regalo ta worde reparti entre e cantidad di personanan cu tin e number esochi. Participa den e gigantesco concurso aki cu ta termina dia 30 di december venidero. Entrega bo formulario cu bo nombenan favorito awe mes.

REGLANAN PA PARTICIPA DEN E CONCURSO

- 1) Entrega 1 botter bashi di Ron Rey de Copas di 1/2 gallon of 2 botter bashi di Ron Rey de Copas di 3/4 liter of 4 botter bashi di Ron Rey de Copas di 24/2 of 8 botter bashi di Ron Rey de Copas di 48/4 na Aruba Distilling Co. Wilhelminastraat No. 47 y bo ta hanja un formulario pa yena bo number y direccion y e number di Miss Rey de Copas.
- 2) Entrega e formulario aki yena na oficina di Aruba Distilling Co. Wilhelminastraat No. 47 y percura pa bo recibo, cu ta pega na e mes formulario, ricibi su stempel di entrega.
- 3) Warda dia 30 di december 1963 y cobra bo placa si e number cu bo a duna ta e number favorecé.
- 4) E mes persona por yena cuantun formulario cu e ta desea, con tal cu e entrega pa cada formulario e cantidad di botter bashi requerido.
- 5) Si tin mas cu un beneficiado pa cada number e premio ta ser parti den esnan cu tin e number escogi.
- 6) Exigi pa bo recibo tin un stempel di Aruba Distilling Co.

SEMPER E FAVORITO

REY DE COPAS

ARUBA DISTILLING CO.

Wilhelminastr. 47

NOS CARTANAN PA SANTA CLAUS



Santa Claus con bai?

Mi ta apera cu Santa Claus ta bon. Wel Santa Claus hopi di amigonan mi a tende cu a manda carta caba. Awor mi ta manda pidi Santa Claus un regalo mi ta den 2de klas, mi nomber ta Felipe Ras mi tin un ruman homber mas cu jama Lino un bala? y Mar in un pochi? No rabla cu mi ta pidi hopi, pero esey nan mi ta desea. Ora nos haya courant mi ta pidi Papa lesa tur e storia nan di Cusco Kid, Pepita y mi ta jama Santa Claus danki caba. ajooo. Felipe Ras, N.C. 58, 2de klas, Brazil.



Oranjestad. Pa Santa Claus. Morro, bon dia, bon nochi, Santa Claus, pasombra mi o sabi ki ora e carta aki ta jega pa Santa Claus lesa poera. Mi ta inicia mi carta cu un cordial saludo pa Santa Claus i pa su representante aki na Aruba. Mi a lesa den Arubaanse Courant cu e anja aki Santa Claus ta parti regalo, i mi ta masha pura mira cu kiko Santa Claus ta trese di bonita. Mi ta spera cu Santa Claus lo cumpli cu mi deseo i manda mi un regalo mashar bunita mes, i cu nunca lo sali for di mi memoria. Mi a desea un album di curason??? i un bala pa mi ruman chikito di neube luna pasombra e gusta bala. Mashar cumindamento di bo ajoooooo. Santa Claus Ai. Mi nomber ta: Lourdes Martijn, San Nicolas, Vrolijkstr no. 1, Aruba.



Sinterklaas con ta bai. Con ta bai cu Zwarte Piet. Como mi a tende cu Sinterklaas ta regala tur bon mucha un regalo mi a dicidi di mandapidi Sinterklaas un regalo. Mi kler pa Sinterklaas regala mi un waterverf. Swinda de Cuba, Kudawecha 30. Noord.

Estimado Santa Claus, Con baj Santa Claus. Ami ta bon danki. Mi ta spera cu ora cu e carta yega den Santa Claus su man cu Santa Claus lo ta bon di salud. Mi ta hanja cu Santa Santa Claus ta masha lief di duna nos regalo. Santa Claus mi tin un deseo di hafia un poptjie cu su wieg i cu cama pa e poptjie i tambe un set di kleur cu su boek. Mi ta spera cu Santa Claus lo no rabla cu mi a manda pidi Santa Claus hopi cos. Santa Claus despensa mi cu mi a scribi cu potlood, mi no por scribi bon cu pen, pasombra mi ta vlek cu pen. Mashar danki Santa Claus. Saludos pa Santa Claus. Di Astrid Gomez, Bakobastraat 1, Dakota, Aruba.

Lieve Kerstmannetje, mij gaat het goed, Kerstmannetje ik heb gehoord dat u cadeautjes uitgedeeld en dat u ze onder de kerstboom zet, nu wilde ik graag zes kleine cadeautjes meer voor zes arme kinderen die naast ons wonen, ze zijn zo arm dat de Vader en de Moeder niet eens cadeaus voor hun kan kopen. Alleen maar eten en wat kleren. Nu vraag ik om drie kleine poppen en drie kleine speel gewoortjes. Ik wens kerstmannetje een prettige kerst feest en een gelukkig nieuwjaar. Ik ga nu stoppen met schrijven. Dag Kerstmannetje. Mijn naam: Nilda Maduro, Papiloon 58, Santa Cruz. 12 jaar in de 5de klas.

Si e muchanan di nos abonadonan tin deseonan especial cu nan kler laga kerstman sabi, nan por manda nan cartanan pa Arubaanse Courant. Esaki lo manda e carta na Noordpool. Si nan ta basta, nan lo worde publica huntu cu un potret chiquito di esun cu a mandé, den corant. Cartanan cu lo worde ricibi despues di dia 20 di december p.v. nos no por manda mas pa Santa Claus como cu nan no ta jega na tempu mas.

Apreciable Santa Claus, Santa Claus com bay, Ami ta bon. Mi ta hanja Santa Claus masha lief cu tur muchanan mag pidi Santa Claus un regalo. Santa Claus mi tin deseo cu Santa Claus manda pa mi un set di cowboy un pa mi un pa mi dos ruman hombernan. Mi ta spera cu mi no a pidi Santa Claus hopi. Mi a lesa den Arubaanse Courant cu Santa Claus ta parti regalo pa muchanan, awor mi ta pidi Santa Claus trece tambe un regalo pa mi dos ruman muhe tambe. Awor mi ta bai termina mi carta desea Santa Claus tur cos bon i danki di antemano.

Ajoooooo Santa Claus, No lubida ariba nos. Andresito Lacle, Gottstraat 4, Aruba.

Despues di un cordial saludo na Santa Claus. Mi ta spera cu SANTA Claus ta hopi bon mes, manera ta deseo di mi dushi corazon.

Santa Claus mi tambe kler un regalito manera tur muchata desea. Santa Claus mi a hanja hopi rout na school, pasobra mi ta poco mala mucha, pero mi ta primenti di bira bon mucha pronto. Santa Claus mi kler un popchi grandi y bonita. Nada mas mi ta pidi Santa Claus i mi ta bai stop te otro anja cu Santa Claus bolbe riba i hertnan. Mashar danki Santa Claus. Mi nomber ta Mirna Willems, Poschikito 26.

Apreciable Santa Claus, Santa Claus con ta bai cu Zwarte Piet. Santa Claus ami ta bon di salud. Mi ta den eerste klas, mi tagusta school. Mi a lesa den Arubaanse Courant, cu Santa Claus ta parti regalo pa muchanan, ami ta bon mucha Santa Claus, mi ta juda mama welta pa mi ruman chikito. Santa Claus mi ta desea un bortji di pia pa mi scribi un krijt pasombra mi ta gusta scribi, anto un bala pa mi ruman homber chikito. Mi ta spera cu mi no a pidi hopi Santa Claus. Mashar danki Santa Claus cu mi mag pidi un cos. Ajoooooo Santa Claus. Astrid Elisabeth Maduro. Paradera 2, Aruba.

Apreciable Santa Claus, Santa Claus con ta bai, ami ta bon, mi ta haya Santa Claus masha lief cu tur mucha mag pidi Santa Claus un regalito. Santa Claus mi ta den vijfde klas i mi ta biba na Dakota. I mi kler pa Santa Claus trece un tas pa mi bai school. I pa mi hinka mi les nan di school, mi ta hanja hopi huiswerk i mi no tin tas pa mi hinka nan aden. E tas mi kler hanja cu su jabl. I mi ruman homber cu ta wo el a sali fe hospital e no a hanja nada cerca Santa Claus. Awor e kler un bala pe hunga. E jama Frenklien. Mi ta masha contento cu Santa Claus kler pa nos tur e muchanan pidi Santa Claus un regalo.

Ajoooo, Santa Claus. I mi ta spera cu Santa Claus lo trese un regalo. Di Elvira Kock y cu Frenklien Kock, Dadelstr. 9, Dakota, Aruba.

Santa Claus, A mi no por scribi ta mi rumanan ta tene mi, i mi kler un auto. Mi ta muchu chikito pa scribi. I mi jama Emilio Kock, Ajooo Santa Claus, mi tin 2 anja. Emilio Kock, Dadelstr. 9, Dakota.



PA SANTA CLAUS, Bon dia Santa Claus con ta bai ami ta bon, Mi ta spera cu na llegada di es carta aki lo encontre Santa jen di felicidad. Santa Claus sa mi tin deseo di haya por a haye.

Pesey mi ta spera cu Santa Claus por a cumpli cu mi deseo. Mi tata a primintimi cu mi haya un bicicleta e anja aki, pero mi tata no tey mas pesey mi no a haye ningun, i mi tin gana di haya un. Mi ta den 7de klas i mi tin un otro ruman no ta morocho. Mi por cere e ora cu mi ruman. Mi tin 12 anja. Ajoo Santa Claus. Ayoo. P.S. mi otro ruman kler un popchi grandi. Awo mi ta despidi. Ayoo.

Adres: Olga Tromp. Poschikito 56. Telefon 7156. Aruba.



Mi bon Santa Claus, Despues di mi cordial saludo Santa Claus, Mi ta spera cu Santa Claus ta bon i salud. Mi masha contento di por a scribi Santa Claus pa emdio di mi dushi courant esta Arubaanse Courant. Santa Claus mi ta desea mashar na un beer bguin mes cos cu tin na Noordpool. Nos ta 10 ruman. Mi tin un ruman homber di 6 anja cu ta desea mashar hopi un bicicleta. Mi ta spera cu Santa Claus por cumpli cu mi deseonan.

Mi ta termina desea Santa Claus tur cos bon. Ina KELLY, Salina Cerca 19, Noord.

Apreciable Santa Claus, Cu mucho gusto mi ta scribi Santa Claus un carta sperando cu Santa Claus ta goza di un perfecto salud. Mi a lesa den courant cu e anja aki Santa Claus ta parti regalo, y mi ta masha anhele na un recuerdo di Santa Claus. Mi ta spera cu Santa Claus lo cumpli cu mi deseo manda mi un regalo cu mi kler aprecia mashar, y cu nunca lo sali for di mi memoria. Mi deseo ta pa mi hanja un machi chikito pa mi cose. Y pa mi ruman mas chikito mi kler un popchi cu un wieg. Awor mi ta bai termina deseando Santa Claus tur loka ta bon y danki di antemano. Ajoooooo Santa Claus no lubida ariba mi. Saludos. Mi nomber ta: Vist Tromp, Montaña 14, Noord, Aruba.

Santa Claus mi ta contento cu Santa Claus ta tende papiamen to pa mi por pidi un regalo i na Arubaanse Courant naturalmente. Mi deseo ta popchi cu wieg, mi tin 6 anja, mi tin 4 ruman chikito nan no por pidi nada toch Santa Claus por manda alogo dushi, lollipop, mi ta gusta ami tambe. Danki pa tur cos. Santa Claus bisa Arubaanse Courant danki pa mi. Mi adres ta: Janet Fige ultr Olmstraat 2.